

Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. xx yy- xxx 2012-meersumut siunnersuut.

(Inuussutissarsiornermut Aatsitassanullu Naalakkersuisoq Ove Karl Berthelsen)

Akissuteqaat

(Inuussutissarsiornermut Aatsitassanullu Naalakkersuisoq Ove Karl Berthelsen)

Aappassaanneerera:

Matumuuna inatsisissatut siunnersuutip matuma siullermeernerata kingorna Inatsisartut Inuussutissarsiornermut Ataatsimiititaliaata ilaasortai ataatsimiititaliami peqqissaartumik sularinninnerannut qutsavigerusuppakka.

Kalaallit Nunaanni takornariaqartitsinermik inuussutissarsiutip ineriartortinnissaanut ilapittuinissamik aammalu takornarianut tunisassat nioqutiginiarnerisa siuarsarnerisigut inuiaqatigiinni siuarsanermik pilersitsinissamut inatsisissatut siunnersuutip pingaarnertut siunertarisai ataatsimiititaliap tapersersornartikkai Naalakkersuisut maluginiarpaat. Taamaattumillu takornariaqartitsinermit akuersissuteqartarnissaq pillugu inatsisip akuersissutiginnissaa siunissaq eqqarsaatigalugu iluaqutaasussatullu suliniutaasoq ataatsimiititaliaq isumaqartoq.

Ataatsimiititaliap isumaliutissiissutaani allassimavoq takornariartitsilluni sultanik akuersissuteqarnerit nunami aalajangersimasunik sumiiffinnik atugassiinernik pisariaqartitsisut imaluunniit assersuutigalugit illunut attaveqarnermullu annertuunik aningaasaliinissamik pisariaqartitsisut, aningaasaliisussamut aningaasaliinissanut pisariaqartunut aalajangersimasumik qularnaveeqquseeqataasinnaasut peqatigisaanillu takornariaqarfiusumi suli annertunerusunik iliuusissanut aningaasaliinissanullu kaammattuutaasinnaasut.

Ataatsimiititaliaq isumaqatigiissoq, inatsisissatut siunnersuummik matuminnga tapersersuisoq qutsavigaara, taamatullu naatsumik oqaaseqarlunga siunnersuutip akuerineqarnissaa inassutigissallugu.